

Հայաստանի Հանրապետության Կապանի քաղաքապետարանը, ի դեմս քաղաքապետ Աշոտ Հայրապետյանի, մի կողմից, և «Հայաստանի երիտասարդ իրավաբանների ասոցիացիա» հասարակական կազմակերպությունը (հետագա տեքստում՝ Ասոցիացիա) ի դեմս Ասոցիացիայի նախագահ Կարեն Զադոյանի, մյուս կողմից (հետագա տեքստում՝ Կողմեր)։

Կարևորելով տեղական ինքնակառավարման մարմինների կողմից պարտադիր և պատվիրակված լիազորությունների կատարողական մակարդակի բարձրացման անհրաժեշտությունը,

Անհրաժեշտ համարելով հանրությանը մատուցվող ծառայությունների գործընթացներում կոռուպցիոն ռիսկերի նվազեցման համար պայմանների ստեղծումը,

Ձգտելով հնարավորին չափ նպաստել քաղաքացիների շահերի և իրավունքների ոտնահարման կանխարգելմանը,

Օրենքով սահմանված կարգով համայնքի բնակիչների մասնակցությունը տեղական ինքնակառավարմանը և որոշումների կայացմանը նրանց մասնակցությունը ապահովելու նպատակով,

Գնահատելով Ասոցիացիայի դերը կոռուպցիայի հաղթահարման ոլորտում իր ներկայացուցչական ստորաբաժանումների միջոցով համայնքի բնակչությանը իրավական և մեթոդական աջակցություն ցուցաբերելու գործում,

Ընդգծելով տեղական ինքնակառավարման մարմինների կողմից ընդունվող նորմատիվ ակտերը և կայացվող որոշումները հարապարակային և թափանցիկ դարձնելու անհրաժեշտությունը,

Կողմերը կնքեցին սույն Համագործակցության Համաձայնագիրը (հետագա տեքստում՝ Համաձայնագիր) հետևյալի մասին.

1. Համաձայնագրի նպատակները

1.1. Կողմերը միավորում են ջանքերը հետևյալ նպատակներով՝

- նպաստել Կապան քաղաքում (հետագա տեքստում՝ համայնք) կոռուպցիայի կանխարգելմանը և կոռուպցիոն ռիսկերի նվազեցմանը.
- համագործակցել շահագրգիռ մարմինների և կազմակերպությունների հետ օրենսդրության մեջ կոռուպցիոն ռիսկեր պարունակող դրույթների բացահայտման և դրանցում ընթացակարգային փոփոխություններ կատարելու ուղղությամբ.
- աջակցել համայնքի բնակչությանը կոռուպցիոն երևույթների դեմ պայքարում տրամադրելով անհրաժեշտ մեթոդական և խորհրդատվական օգնություն.
- նպաստել կոռուպցիայի դեմ պայքարում քաղաքացիների շահերի և իրավունքների պաշտպանությանը:

2. Համագործակցության հիմնական սկզբունքները

2.1. Սույն Համաձայնագիրը սահմանում է Կողմերի միջև համագործակցության հետևյալ սկզբունքները.

- Կողմերի միջև համագործակցությունը հիմնված է ՀՀ սահմանադրության, ՀՀ Միջազգային պայմանագրերի, ՀՀ օրենսդրության և սույն Համաձայնագրի դրույթների վրա:
- Համագործակցության ընթացքում Կողմերն առաջնորդվում են ժողովրդավարության և թափանցիկության սկզբունքներով, համատեղ քննարկումների արդյունքում ընդունված որոշումների կատարման նկատմամբ երկկողմ պատասխանատվությամբ:

3. Կողմերի պարտավորությունները

3.1 Ասոցիացիան պարտավորվում է՝

- Տրամադրել անվճար իրավաբանական աջակցություն՝ քաղաքապետարանին ուղղված դիմումների ընթացքին օժանդակելու նպատակով:
- Քաղաքացիներին հնարավորություն ընձեռել՝ արձանագրելու իրենց հանդիպած կոռուպցիոն դեպքերը և բողոքներ ներկայացնելու քաղաքապետարան:
- Բացահայտել քաղաքապետարանում առկա կոռուպցիոն ռիսկեր պարունակող գործունեության տեսակները՝ անմիջապես տուժող անձի կողմից ներկայացված արձանագրության հիման վրա:
- Մինչ բացահայտված կոռուպցիոն դեպքերի հանրայնացման և օրենսդրորեն նախատեսված այլ ընթացակարգերի ապահովումը, գործընկերության հիմքի վրա քաղաքապետարանի հետ համատեղ քննարկում ծավալել կոռուպցիոն տարրեր ընդգրկող դեպքերի կապակցությամբ, համատեղ եզրահանգումների ակնկալիքով:
- Ապահովել քաղաքացիների և հասարակության կազմակերպությունների մասնակցությունը՝ քաղաքապետարանի կողմից քաղաքացիներին մատուցվող ծառայությունների որակի գնահատման նկատմամբ մասնակցային մոնիթորինգ իրականացնելիս:

3.2 Քաղաքապետարանը պարտավորվում է՝

- Աջակցել Ասոցիացիայի կողմից քաղաքացիներին տրամադրվող այն տեղեկատվության ամբողջացմանը, որն անմիջականորեն կապված է քաղաքացիների բողոքներին առնչվող՝ օրենքներով, իրավական այլ ակտերով, կանոնակարգերով կամ ներքին փաստաթղթերով պայմանավորված ընթացակարգերի հետ:
- Հիմնվելով ասոցիացիայի կողմից Կապան քաղաքում գործարկվող հակակոռուպցիոն կենտրոնի (հետագա տեքստում՝ Հակակոռուպցիոն կենտրոնի) կողմից հավաքագրված և վերլուծված տեղեկատվության վրա՝ օրենքով վերապահված լիազորությունների շրջանակներում, նախաձեռնել գործող ընթացակարգերի՝ կոռուպցիոն ռիսկեր պարունակող դրույթների փոփոխություններ:

- Աջակցել Հակակոռուպցիոն կենտրոնի առաջարկություններին և քաղաքապետարանի կողմից քաղաքացիներին մատուցվող ծառայությունների որակի գնահատման նկատմամբ մասնակցային մոնիտորինգ իրականացնելու նախաձեռնություններին:

3.3 Այլ դրույթներ

- Կողմերը պարտավորվում են պարբերաբար կազմակերպել աշխատանքային հանդիպումներ՝ սույն Համաձայնագրով սահմանված պարտավորությունների կատարման ընթացքը քննարկելու համար: Կողմերից որևէ մեկի առաջարկության դեպքում Քաղաքապետի կամ նրա հանձնարարությամբ քաղաքապետի տեղակալի կամ խորհրդականներից որևէ մեկի մոտ անց է կացվում խորհրդակցություն՝ ճշտելու համար Հակակոռուպցիոն կենտրոնի և Տեղական ինքնակառավարման մարմինների համատեղ գործունեության հարաբերությունները:

4. Եզրափակիչ դրույթներ

- 4.1. Սույն Համաձայնագրով սահմանված համագործակցությունը համակարգում և վերահսկում են Կողմերի ղեկավար մարմինները՝ լիազորված անձանց միջոցով:
- 4.2. Սույն Համաձայնագիրը կազմված է հայերեն լեզվով, հավասար իրավաբանական ուժ ունեցող երկու օրինակներից:
- 4.3. Սույն Համաձայնագիրը ուժի մեջ է մտնում ստորագրման պահից:

Կողմերի հասցեները և վավերապայմանները.

<p>«Հայաստանի երիտասարդ իրավաբանների ասոցիացիա» հասարակական կազմակերպություն Հասցեն՝ ք. Երևան, Նալբանդյան 7/2 Պետական գրանցման համար 211.171.01501 Նախագահ՝ Կարեն Զադոյան</p>	<p>ՀՀ Սյունիքի մարզի Կապան քաղաքային համայնք ք. Կապան, Ա. Մանուկյան 5 ա h/h 900316201012 գանձ. բաժանմունք Քաղաքապետ՝ Ա. Հայրապետյան</p>
	